



Rabu, 01 Desember 2021
Ogen: Esekiel 20:17-24



Pebadiaken Wari Sabat



W Inget dinggen pebadiakenlah wari sabat” enda isi perintah Tuhan si peempatken i bas sepuluh perintah Dibata man bangsaNa. Perintah enda arus ipatuhi, sabap Dibata pe enggo mereken usihen maka enem wari IA erdahin nepa doni janah wari pepituken pekesahken IA i bas dahinNa nari. Kai kin Sabat? Sabat ertina ngadi, pekesahken. Badia ertina serap, la seri ras doni, ipisahken. Selaku bangsa pilihan Dibata iperentahken segelah banci min mpebadiaken wari sabat. Wari sabat e i peserap, la ngelakoken dahin-dahin si semal ilakoken sedekah enda. Sabat e jadi wari ersembah, mpersembahkan diri secara totalitas man Tuhan e maka ikataken la banci erdahin.

Alu pemahaman enda me nabi Esekuel mpersingeti bangsa Israel guna la make undang-undang nini-ninina si erbahanca ia nambah berhala-berhala. Seh maka lanai ia patuh dinggen ngikutken undang-undang Tuhan. Kedungenna ngerehken rawa Dibata. Si enda ncidahkan maka kalak si mehamat man Dibata icidahkan arah nggeluh pebadiaken wari sabat.

Senina Moria i bas kekelengen Tuhan, mekatep kal lit belas-belasta la bias pitu wari sada minggu, dua puluh empat jam sada wari. Erbintuas kita suari berngi, dinggen sipakeken tep-tep waktu si lit guna erdahin. Piah dungna lanai si inget pe mpebadiaken wari Tuhan. Apai ka i bas masa-masa pandemi, ibatasi me pergeraken si lit, termasuk ku Gereja, maun jadi lanai si inget enda wari badia (wari muji Tuhan) entah wari erdahin, entah “la banci pulung enterem i bas Gereja” enda jadi alasenta la erkebaktin, nambah dinggen ngendesken geluhta man Tuhan. Wari enda mulihi ipersingeti kita segelah i ja pa pe kita ingetlah mpebadiaken gelar Tuhan. Tuan e la ibatasi raungen si lit. Sabap IA lit i ja pa pe. Pujilah IA cidahkan kepatuhenta man baNa arah mpebadiaken wari Tuhan.